

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԲԺՇԿԱ-ՍՈՑԻԱԼԱԿԱՆ ՎԵՐԱԿԱՆԳՆՄԱՆ
ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԵՏԱԿԱՆ
ԳՆՄԱՆ ՊԱՅՄԱՆԱԳԻՐ
N ԱՍՀՆ-ԲԸԱՀԾՁԲ-17/3-Վ**

« 03 » մարտի 2017թ.

ք. Երևան

ՀՀ աշխատանքի և սոցիալական հարցերի նախարարությունը, ի դեմս աշխատակազմի ղեկավար Ա. Գրիգորյանի, որը գործում է նախարարության կանոնադրության հիման վրա (այսուհետև՝ Պատվիրատու), մի կողմից, և «Արթմեդ» բժշկական վերականգնողական կենտրոն» փակ բաժնետիրական ընկերությունը, ի դեմս ընկերության տնօրեն Ա. Աբգարյանի (այսուհետև՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ՀՀ աշխատանքի և սոցիալական հարցերի նախարարության կարիքների համար սույն պայմանագրով սահմանված կարգով, նախատեսված ծավալներով, ձևով և ժամկետներում Պատվիրատուին կամ նրա կողմից որոշված Ստացողին բժշկա-սոցիալական վերականգնման ծառայությունների մատուցման պարտավորությունը (այսուհետև՝ Ծառայություն)՝ համաձայն սույն պայմանագրի անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է սույն պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է սույն պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող Ծառայություն.

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը սույն պայմանագրին համապատասխանող Ծառայությամբ անհատույց փոխարինման ողջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել սույն պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը.

2.1.3 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտել է ական է համարվում, եթե՝

ա) մատուցված Ծառայությունը չի համապատասխանում սույն պայմանագրի N 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Սույն պայմանագրի N 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Պայմանագրի կամ դրա մի մասի կատարման արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության ստորագրմամբ, իսկ պայմանագրի արդյունքը Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև սույն պայմանագրով նախատեսված Ծառայության մատուցման ավարտի օրը ներառյալ Կատարողը Պատվիրատուին է ներկայացնում մատուցված Ծառայության մասին իր կողմից ստորագրված հանձնման-ընդունման արձանագրության 2 օրինակ (Հավելված N 3) և պայմանագրի արդյունքը Պատվիրատուին հանձնելու փաստը ֆիքսող փաստաթուղթը (Հավելված N 3.1):

3.2 Հանձնման-ընդունման արձանագրությունն ստորագրվում է, եթե մատուցված Ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները.

բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու պահից հնգօրյա ժամկետում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Ծառայությունը չընդունելու պատճառաբանված մերժումը:

3.4 Եթե Պատվիրատուն սույն պայմանագրի 3.3 կետով սահմանված ժամկետում չի ընդունում պայմանագրի արդյունքը կամ չի մերժում, ապա այն համարվում է ընդունված և սույն պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա Ծառայության ընդհանուր գինը կազմում է 111350000 (Մեկ հարյուր տասնմեկ միլիոն երեք հարյուր հիսուն հազար) ՀՀ դրամ, ներառյալ ԱԱՀ-ն: Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած Ծառայության դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ սույն պայմանագրի N 2 հավելվածով սահմանված վճարման ժամանակացույցով նախատեսված ամսում (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 բանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Ծառայության դիմաց վճարելու համար վճարման ժամանակացույցով նախատեսված միջոցները չեն բավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան 20.12.2017թ.:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում Ծառայության մատուցման՝ սույն պայմանագրի պահանջների պահպանման համար:

5.2 Սույն պայմանագրի N 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ սույն պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Սույն պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

7.2 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:

7.3 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

Արգելվում է սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման դեպքերը սահմանում է Հայաստանի Հանրապետության կառավարությունը:

7.4 Ծառայության մատուցման ժամկետը կարող է երկարաձգվել մինչև սույն պայմանագրով այդ ժամկետը լրանալը պայմանագրի կողմի առաջարկության առկայության դեպքում՝ պայմանով, որ՝ Պատվիրատուի մոտ չի վերացել գնման առարկայի օգտագործման պահանջը: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով:

7.5 Սույն պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Սույն պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.6 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն, «Ինտերնետով հրապարակային և անհատական ծանուցման մասին» ՀՀ օրենքի 10-րդ հոդվածի համաձայն, ուղարկում է Կատարողի պաշտոնական էլեկտրոնային փոստի հասցեով և միաժամանակ նույն օրը հրապարակում է www.gnumner.am հասցեով ինտերնետային կայքում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետում նշված կայքում հրապարակվելուն հաջորդող օրվանից:

7.7 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.8 Սույն պայմանագիրը կազմված է 12 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.9 Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.10 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ՝

ՀՀ աշխատանքի և սոցիալական հարցերի
նախարարություն

ք. Երևան, Կառավարական - 3 տուն


Երևանի թիվ 1 գանձապետական բաժին

Հ/Հ՝ 900011016707, ՀՎՀՀ՝ 01506515

Նախարարության աշխատակազմի ղեկավար՝

Աշխատակազմի ղեկավար՝

Ա. Գրիգորյան



Կ Ա Տ Ա Ր ՈՂ՝

“Արթմեդ” բժշկական
վերականգնողական կենտրոն ՓԲԸ

ք. Երևան, Ծարավ Աղբյուրի 55ա

“Ամերիաբանկ” ՓԲԸ

Հ/Հ՝ 157 000 306 116 0300


ՀՎՀՀ՝ 00804703

Տնօրեն

Արգայան

Կ.Տ.

(ստորագրություն)



ՏԵՆԻԿԱԿԱՆ ԲՆՈՒԹԱԳԻՐ-ԳՆՄԱՆ ԺԱՄԱՆԱԿԱՑՈՒՅՑ
Հիվանդանոցային բժշկական օգնության բժշկասոցիալական վերականգնողական
ծառայությունների մատուցման

Ծառայության նպատակն է՝ առաջնակի և կրկնակի պրոթեզավորվող հիվանդների նախա և հետ պրոթեզավորման օրթոպեդիկ բուժում՝ վիրահատական և ոչ վիրահատական եղանակով, այդ թվում անդամահատված վերջույթին պրոթեզի հարմարեցում, կլինիկո-լաբորատոր և գործիքային ախտորոշիչ հետազոտություններ, դեղորայքային, ֆիզիոթերապևտիկ բուժում, բուժական մերսում, կինեզոթերապիա, կենցաղային և ինքնասպասարկման հմտությունների ուսուցում, անհրաժեշտ մասնագետների ընդգրկում բուժական գործընթացի մեջ (վնասվածքաբան-օրթոպեդ, սրտաբան, նյարդաբան, էնդոկրինոլոգ, անոթաբան, էրգոթերապիստ, հոգեբան, սոցիալական աշխատող, վերականգնողաբան, պրոթեզիստ և այլն), ինչպես նաև ՀՀ կառավարության 04.03.04թ. «Պետության կողմից երաշխավորված անվճար և արտոնյալ պայմաններով բժշկական օգնության և սպասարկման մասին» թիվ 318-Ն որոշման հավելված 1-ով հաստատված բնակչության սոցիալապես անապահով ու առանձին (հատուկ) խմբերի ցանկում ընդգրկված սոցիալական խմբերի ներկայացուցիչներին՝ առողջապահական կազմակերպությունների և ՀՀ աշխատանքի և սոցիալական հարցերի նախարարության կողմից տրված ուղեգրերի, իսկ 2017թ. ապրիլ ամսից բժշկասոցիալական փորձաքննության գործընթացում հաշմանդամության սահմանման նոր մոդելի ներդրման շրջանակներում առաջին անգամ բժշկասոցիալական փորձաքննության ենթարկված և հաշմանդամ չճանաչված անձանց՝ բազմակողմանի գնահատված կարիքներին համապատասխան կազմված վերականգնողական անհատական ծրագրերի (ՎԱԾ) հիման վրա մատուցել բժշկական վերականգնողական ծառայություններ բազմամասնագիտական թիմով (վնասվածքաբան-օրթոպեդ, սրտաբան, նյարդաբան, էնդոկրինոլոգ, անոթաբան, էրգոթերապիստ, հոգեբան, սոցիալական աշխատող, վերականգնողաբան, պրոթեզիստ և այլն):

Ծառայության արդյունքների վերլուծությունն ու գնահատումը կնպաստի ՀՀ պետական բյուջեի միջոցներով իրականացվող՝ պրոթեզավորման, օրթեզավորման, վերականգնողական պարագաներով ապահովման տարբեր ծրագրերի կազմակերպման և արդյունավետ իրականացման գործընթացին:

Ծառայության տեխնիկական բնութագրում խնդիր է դրվում ապահովել հաշմանդամություն ունեցող անձանց ազատ տեղաշարժման, այլ ծառայություններից օգտվելու համապատասխան մատչելի պայմաններ:

Ծառայությունը կնպաստի նաև հաշմանդամություն ունեցող անձաց բնագավառում իրականացվող բարեփոխումների նպատակով փորձնական ծրագրի ներդրմանը, որի արդյունքում ակնկալվում է 2017թ. ապրիլ-դեկտեմբեր ամիսներին նոր մոտեցումներով իրականացվող առաջնակի բժշկասոցիալական փորձաքննության ժամանակ հաշմանդամ

չճանաչված անձանց կարիքին համապատասխան՝ ՎԱԾ-ի հիման վրա, բժշկական ծառայությունների տրամադրում:

Համապատասխան հիվանդատեսակներով բուժման հետևյալ քանակներն են՝

1. Նախա և հետ պրոթեզավորվող հիվանդների օրթոպեդիկ բուժում՝ վիրահատական միջամտությամբ՝ 100 հիվանդ
2. Օրթոպեդիկ բուժում՝ ոչ վիրահատական եղանակով՝ 40 հիվանդ
3. Վերականգնողական բուժօգնություն՝ 360 հիվանդ:

1. Նախա և հետ պրոթեզավորվող հիվանդների օրթոպեդիկ բուժում՝ վիրահատական միջամտությամբ /100 հիվանդ/

1. Ծառայության անվանումը	Նախա և հետ պրոթեզավորվող հիվանդների օրթոպեդ. բուժում՝ վիրահատական միջամտությամբ
2. Հիվանդության տեսակը	Օրթոպեդիկ
3. Ծառայության նկարագրությունը և ներկայացվող պահանջները	Անդամահատված վերջույթի արատավոր ծայրատի վերակառուցողական վիրահատություններ, ռեամպուտացիա: Ծառայությունն ընդգրկում է նաև անդամահատված վերջույթին պրոթեզի հարմարեցում, կլինիկո-լաբորատոր և գործիքային ախտորոշիչ հետազոտություններ, դեղորայքային, ֆիզիոթերապևտիկ բուժում, բուժական մերսում, կինեզոթերապիա, կենցաղային և ինքնասպասարկման հմտությունների ուսուցում, անհրաժեշտ մասնագետների ընդգրկում բուժական գործընթացի մեջ (վնասվածքաբան-օրթոպեդ, սրտաբան, նյարդաբան, էնդոկրինոլոգ, անոթաբան, էրգոթերապիստ, հոգեբան, սոցիալական աշխատող, վերականգնողաբան, պրոթեզիստ և այլն)
4. Բուժման տևողությունը	17 օր
5. Բուժման ձևը	Հիվանդանոցային՝ ստացիոնար Վերականգնողական բուժօգնություն՝ հիվանդանոցային պայմաններում
6. Հատուկ պայմաններ	Տիպային հիվանդանոցային պայմաններ՝ շարժասայլակների ազատ տեղաշարժման հնարավորությամբ:

2. Օրթոպեդիկ բուժում՝ ոչ վիրահատական եղանակով /40 հիվանդ/

1. Ծառայության անվանումը	Օրթոպեդիկ բուժում՝ ոչ վիրահատական եղանակով
2. Հիվանդության տեսակը	Օրթոպեդիկ
3. Ծառայության նկարագրությունը և ներկայացվող պահանջները	Անդամահատված ծայրատների, վերջույթների վերքերի և խոցերի ոչ վիրահատական բուժում: Ծառայությունն ընդգրկում է նաև անդամահատված վերջույթին պրոթեզի հարմարեցում, պրոթեզի կրման և օգտագործման հմտությունների ուսուցում, կլինիկո-լաբորատոր և գործիքային ախտորոշիչ հետազոտություններ, դեղորայքային, ֆիզիոթերապևտիկ բուժում, բուժական

	մերսում, կինեզոթերապիա, կենցաղային և ինքնասպասարկման հմտությունների ուսուցում, անհրաժեշտ մասնագետների ընդգրկում բուժական գործընթացի մեջ (վնասվածքաբան-օրթոպեդ, սրտաբան, նյարդաբան, էնդոկրինոլոգ, անոթաբան, էրզոթերապիստ, հոգեբան, սոցիալական աշխատող, վերականգնողաբան, պրոթեզիստ և այլն)
4. Բուժման տևողությունը	10 օր
5. Բուժման ձևը	Հիվանդանոցային՝ ստացիոնար վերականգնողական բուժօգնություն՝ հիվանդանոցային պայմաններում
6. Հատուկ պայմաններ	Տիպային հիվանդանոցային պայմաններ՝ շարժասայլակների ազատ տեղաշարժման հնարավորությամբ:

3. Վերականգնողական բուժօգնություն /360 հիվանդ/

1. Ծառայության անվանումը	Վերականգնողական բուժօգնություն
2. Հիվանդության տեսակը	Վերականգնողական
3. Ծառայության նկարագրությունը և ներկայացվող պահանջները	<p>Ծառայությունը մատուցվում է՝</p> <ul style="list-style-type: none"> -բժշկասոցիալական փորձաքննության ժամանակ՝ անձի բազմակողմանի գնահատման արդյունքում մշակված վերականգնողական անհատական ծրագրի (<< կառավարության 2015 թվականի 24 դեկտեմբերի N 1535-Ն որոշում) (ՎԱԾ) հիման վրա /250 հիվանդ/. -<< կառավարության 04.03.04թ. «Պետության կողմից երաշխավորված անվճար և արտոնյալ պայմաններով բժշկական օգնության և սպասարկման մասին» թիվ 318-Ն որոշման հավելված 1-ով հաստատված բնակչության սոցիալապես անապահով ու առանձին (հատուկ) խմբերի ցանկում ընդգրկված սոցիալական խմբերի ներկայացուցիչներին՝ առողջապահական կազմակերպությունների կողմից տրված ուղեգրերի հիման վրա /90 հիվանդ/. -<< աշխատանքի և սոցիալական հարցերի նախարարության ուղեգրով /20 հիվանդ/: <p>Հիվանդին դուրս գրելիս, կազմակերպությունը իրականացված միջոցառումների վերաբերյալ տեղեկատվությունը լրացնում է ՎԱԾ-ի «Տեղեկատվություն բժշկական վերականգնման մասին» բաժնում:</p> <p>Տարբեր օրգան-համակարգերի ախտահարումներով անձանց վերականգնողական բուժում՝ կորսված կենսագործունեության վերականգնման նպատակով: Ծառայությունն ընդգրկում է նաև առաջնակի և կրկնակի պրոթեզավորվող անձանց նախա- և հետ- պրոթեզավորման շրջանի վերականգնողական բուժում՝ պրոթեզավորման նախապատրաստում, պրոթեզավորման</p>

	գործընթացի կազմակերպում բուժման ընթացքում, անդամահատված վերջույթին պրոթեզի հարմարեցում, պրոթեզի կրման և օգտագործման հմտությունների ուսուցում, կլինիկո-լաբորատոր և գործիքային ախտորոշիչ հետազոտություններ, դեղորայքային, ֆիզիոթերապևտիկ բուժում, բուժական մերսում, կինեզոթերապիա, կենցաղային և ինքնասպասարկման հմտությունների ուսուցում, անհրաժեշտ մասնագետների ընդգրկում բուժական գործընթացի մեջ (վնասվածքաբան-օրթոպեդ, սրտաբան, նյարդաբան, էնդոկրինոլոգ, անոթաբան, էրգոթերապիստ, հոգեբան, սոցիալական աշխատող, վերականգնողաբան, պրոթեզիստ և այլն)
4. Բուժման տևողությունը	23 օր
5. Բուժման ձևը	Վերականգնողական բուժօգնություն՝ հիվանդանոցային պայմաններում Կլինիկո-լաբորատոր և գործիքային ախտորոշիչ հետազոտություններ, դեղորայքային, ֆիզիոթերապևտիկ, լազերային, ջրային, մանուալ բուժումներ:
Հատուկ պայմաններ	Տիպային հիվանդանոցային պայմաններ՝ շարժասայլակների ազատ տեղաշարժման հնարավորությամբ:

Յուրաքանչյուր եռամսյակ կազմակերպությունը ՀՀ աշխատանքի և սոցիալական հարցերի նախարարություն է ներկայացնում տեղեկատվություն՝ ՀՀ աշխատանքի և սոցիալական հարցերի նախարարի 2014 թվականի մարտի 25-ի N 46-Ա/1 հրամանով հաստատված ձև N2-ի պահանջներին համապատասխան:

ԳՆՄԱՆ ԺԱՄԱՆԱԿԱՑՈՒՅՑ

Հիվանդանոցային բժշկական օգնության բժշկասոցիալական վերականգնողական ծառայությունների մատուցման

ՀՀ հազ. դրամ

N	Ծառայության անվանումը	Նվաճված միավորներ	Միավորի գինը (դրամ)	Նախատեսվում է ծառայությունները ձեռք բերել 2017թ. ընթացքում				Տարեկան քանակը	Ընդամենը գումարը
				1-ին եռ	2-րդ եռ	3-րդ եռ	4-րդ եռ		
1	Նախա և հետ պրոթեզավորվող հիվանդների օրթոպեդ բուժում՝ վիրահատական միջամտությամբ	հիվանդ	230700	10	30	30	30	100	23070,0
2	Օրթոպեդիկ բուժում՝ ոչ վիրահատական եղանակով	հիվանդ	137000	10	10	10	10	40	5480,0

3	Վերականգնողական բուժօգնություն	տրիպլի	230000	60	100	100	100	360	82800,0
	Ընդամենը							500	111350,0

*Մատուցվող ծառայությունների քանակները կարող են փոփոխվել կախված հիվանդների քանակից

Ծառայությունների մատուցման ժամկետ՝ պայմանագրի կնքման պահից մինչև 2017 թվականի դեկտեմբերի 20-ը:

Պ Ա Տ Վ Ի Ր Ա Տ ՈՒ՝

ՀՀ աշխատանքի և սոցիալական հարցերի նախարարություն
 ք. Երևան, Կառավարական - 3 տուն
 Երևանի թիվ 1 գանձապետական բաժին
 Հ/Հ՝ 900011016707, ՀԱՀ՝ 01506515
 Նախարարության մեջնապատկան հեղափոխություն

Աշխատակազմի ղեկավար՝ Ա. Գրիգորյան




(ստորագրություն)

Կ Ա Տ Ա Ր ՈՂ՝

“ Արթմեդ ” բժշկական վերականգնողական կենտրոն ՓԲԸ
 ք. Երևան, Ծարավ Աղբյուրի 55ա
 “Ամերիաբանկ” ՓԲԸ
 Հ/Հ՝ 157 000 306 116 0300
 ՀՎՀՀ՝ 00804703

Տնօրեն՝ Ա. Արզարյան

Կ.Տ. (ստորագրություն)



ՎՃԱՐՄԱՆ ԺԱՄԱՆԱԿԱՑՈՒՅՑ*


ՀՀ դրամ


N	Ծառայության անվանումը	Նախատեսվում է ֆինանսավորել 2017թ.՝ ըստ ամիսների՝ ընդ որում												
		հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը Տարի
1.	բժշկասոցիալական վերականգնողական և ծառայություններ			22307400	31602200	40897000	50191700	59486400	68781100	78075900	89229600	100383300	111350000	111350000

* Վճարման ենթակա գումարները ներկայացված են աճողական կարգով:

Պ Ա Տ Վ Ի Ր Ա Տ ՈՒ՝


ՀՀ աշխատանքի և սոցիալական հարցերի նախարարություն
 ք. Երևան, Կառավարական - 3 տուն
 Երևանի թիվ 1 գանձապետական բաժին
 Հ/Հ՝ 900011016707, ՀՎՀՀ՝ 01506515
 Նախարարության աշխատակազմի ղեկավար՝


Աշխատակազմի ղեկավար 
 Ա. Գրիգորյան
 Կ.Տ. (ստորագրություն)



Կ Ա Տ Ա Ր ՈՂ՝

“Արթմեդ” բժշկական վերականգնողական կենտրոն ՓԲԸ
 ք. Երևան, Ծարավ Աղբյուրի 55ա
 “Ամերիաբանկ” ՓԲԸ
 Հ/Հ՝ 157 000 306 116 0300
 ՀՎՀՀ՝ 00804703

Տնօրեն՝ Ա. Արգարյան

 Կ.Տ. (ստորագրություն)



Պայմանագրի կողմ

Պատվիրատու

գտնվելու վայրը _____

հհ _____

հվհհ _____

գտնվելու վայրը _____

հհ _____

հվհհ _____

ԱՐՁԱՆԱԳՐՈՒԹՅՈՒՆ N
ՀԱՆՁՆԱՄԱՆ-ԸՆԴՈՒՄԱՆ

« >> » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « >> » « >> » 20 թ.

Պայմանագրի համարը՝ _____

Պատվիրատուն՝ ի դեմս _____ և

Պայմանագրի կողմը՝ ի դեմս _____, հիմք ընդունելով

Պայմանագրի կատարման վերաբերյալ « >> » « >> » 20 թ. կազմված՝ գնման հայտը

նախագծած ներկայացուցչի N եզրակացությունն այն մասին, որ Պայմանագրով նախատեսված՝ ստորև

նշված ծառայությունները համապատասխանում են Պայմանագրով ամրագրված տեխնիկական

բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

Մատուցված ծառայությունների								
N	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Վերոհիշյալ ծառայությունների մատուցման վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

Ծառայությունն ընդունեց

ստորագրություն

ազգանուն, անուն

Կ.Տ.

ստորագրություն

ազգանուն, անուն

Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

և

Սույնով արձանագրվում է, որ _____-ի (այսուհետ՝ Պատվիրատու)

(Պատվիրատուի անունը)

_____ -ի (այսուհետ՝ Կատարող) միջև 20 թ. _____ -ին կնքված N _____

(Կատարողի անունը)

գնման պայմանագրի շրջանակներում Կատարողը 20 թ. _____ -- -ին հանձնման-
ընդունման նպատակով Պատվիրատուին հանձնեց ստորև նշված ծառայությունները.

Ծառայության		
Անվանումը	Քանակական ցուցանիշը (փաստացի)	Չափի միավորը

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն